

/Նախագգուշացում կիրառելու մասին/

«22» փետրվարի 2023թ

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով Իրանի Իսլամական Հանրապետության քաղաքացի Ալահվերդի Ջաբրաեիլի Ալիզադեի Դայլարի (անձնագիր՝ J45140259, ԻԻՀ, ք.Թավրիզ, Սեդաթեխսան պողոտա, Սադալխան փողոց, տուն 158) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2022 թվականի դեկտեմբերի 23-ին ՀՀ ՊԵԿ ՄԴՊՎ ՍՏԲ Մեղրիի բաժանմունքի աշխատակիցները Մեղրիի մաքսային կետ-բաժնի տարածքում զննության են ենթարկել ՀՀ-ից ԻԻՀ մեկնող, ԻԻՀ քաղաքացի Ալահվերդի Ջաբրաեիլի Ալիզադեի Դայլարի կողմից շահագործվող «HOWO ZZ 4257 S 3241 V-6*4» մակնիշի, 52AA151/152 պետհամարանիշի բեռնատարը: Զննման արդյունքում բեռնատարի վարորդի խցիկի քննելու համար նախատեսված տեղից, բեռնախցիկի կողային հատվածում գտնվող իրերի պահման խցիկից հայտնաբերվել է չհայտարարագրված 8 հատ 0,75 լիտրանոց «MARTINI» գրառմամբ խմիչք, 4 հատ 0,5 լիտրանոց «ARARAT3» գրառմամբ խմիչք, 6 հատ 0,5 լիտրանոց «ARARAT» գրառմամբ խմիչք, 6 հատ 0,75 լիտրանոց «ARMENIA» գրառմամբ գինի, 1 հատ 0,75 լիտրանոց «POMEGRANATE» գրառմամբ գինի, 1 հատ 0,75 լիտրանոց «ARAME» գրառմամբ գինի, 1 հատ 0,5 լիտրանոց «SKYY» գրառմամբ օղի, 1 հատ 0,5 լիտրանոց «KREMLIN» գրառմամբ օղի, 1 հատ 0,5 լիտրանոց «BELUGA» գրառմամբ օղի, 1 հատ 0,7 լիտրանոց «ABSOLUT» գրառմամբ օղի, 1 հատ 0,5 լիտրանոց «CAIO3HAP» գրառմամբ օղի, 1 հատ 0,5 լիտրանոց «SIMRNOFF» գրառմամբ օղի, 1 հատ 1 լիտրանոց «SHERIDANS» գրառմամբ խմիչք, 5 հատ 0,5 լիտրանոց «SHERIDANS» գրառմամբ խմիչք, 2 հատ 0,7 լիտրանոց «JAGERMEISTER» գրառմամբ խմիչք, 1 հատ 1 լիտրանոց «JAGERMEISTER» գրառմամբ խմիչք, 1 հատ 1 լիտրանոց «SIERRA» գրառմամբ տեկիլա, 1 հատ 1 լիտրանոց «BAILEYS» գրառմամբ խմիչք, 4 հատ 0,05 լիտրանոց «Золотои» գրառմամբ կոնյակ, 1 հատ 0,05 լիտրանոց «АРМИНА» գրառմամբ կոնյակ, 1 հատ 0,05 լիտրանոց «GRANTS» գրառմամբ վիսկի, 1 հատ 0,05 լիտրանոց «OHANYAN» գրառմամբ օղի, 1 հատ 0,05 լիտրանոց «ABSOLUT» գրառմամբ օղի, 20 հատ 0,47 լիտրանոց «HEINEKEN» գրառմամբ գարեջուր, 1 հատ 0,5 լիտրանոց «DANZKA VODKA» գրառմամբ օղի:

Փաստի առթիվ ՀՀ ՊԵԿ ՄԴՊՎ ՍՏԲ Մեղրիի բաժանմունքի մաքսային տեսուչի կողմից 23.12.2022 թվականին ԻԻՀ քաղաքացի Ալահվերդի Զաբրաեի Ահմադզադեի Դայլարիի նկատմամբ «Մաքսային կարգավորման մասին» ՀՀ օրենքի 316-րդ հոդվածի հատկանիշներով հարուցվել է մաքսային կանոնների խախտման վերաբերյալ վարչական վարույթ, իսկ վերոնշյալ ապրանքները, որպես իրավախախտման անմիջական օբյեկտ, վերցվել և ի պահ են հանձնվել Մեղրիի մաքսային կետ-բաժնի պահեստում:

ԻԻՀ քաղաքացի Ալահվերդի Զաբրաեի Ալիզադեի Դայլարի՝ ԻԻՀ, ք.Թավրիզ, Սեղաթելեսան պողոտա, Սադալխան փողոց, տուն 158 հասցեին ուղարկվել է գործի քննության մասին ծանուցագիր, որը փոստային ծառայության կողմից հետ չի վերադարձվել:

«Հայփոստ» ՓԲԸ-ի պաշտոնական կայքէջի /<https://www.haypost.am/> ուսումնասիրությունից պարզվել է, որ ԻԻՀ քաղաքացի Ալահվերդի Զաբրաեի Ալիզադեի Դայլարիին այս գործի քննության օրվա, ժամի և վայրի մասին ծանուցագիրը չի ստացել:

ՀՀ-ում ԻԻՀ քաղաքացի Ալահվերդի Զաբրաեի Ալիզադեի Դայլարի հասցեին մասին տեղեկատվություն ստանալու նպատակով՝ հարցում է կատարվել ՀՀ Ոստիկանության անձնագրային և վիզաների վարչությանը: ՀՀ Ոստիկանության անձնագրային և վիզաների վարչությունը տրամադրել է տեղեկատվություն առ այն, որ քաղաքացի Ալահվերդի Զաբրաեի Ալիզադեի Դայլարի վերաբերյալ բնակչության պետական ռեգիստրի պահոցում տեղեկություն չկա:

Քաղաքացի Ալահվերդի Զաբրաեի Ալիզադեի Դայլարի սահմանահատումների պատմությունը ստանալու նպատակով՝ 20.02.2023 թվականին հարցում է կատարվել ՀՀ ՊԵԿ Ներքին անվտանգության վարչությանը: Ի պատասխան հարցման՝ ՀՀ ՊԵԿ Ներքին անվտանգության վարչությունը տրամադրել է սահմանահատումների վերաբերյալ տեղեկատվություն, համաձայն որի՝ քաղաքացի Ալահվերդի Զաբրաեի Ալիզադեի Դայլարը 23.12.2022 թվականին ժամը 05:39-ին Ագարակ պետական սահմանի անցման կետով անցել է ԻԻՀ:

Վարչական վարույթի շրջանակներում՝ թիվ 20 մտից համարի զեկուցագրով հարցում է կատարվել ՀՀ ՊԵԿ Հարավային մաքսատուն-վարչության համապատասխան ստորաբաժանմանը՝ ճշտելու վերոնշյալ ապրանքների արտահանման դեպքում առաջացող մաքսային վճարների չափերը, ոչ սակագնային կարգավորման միջոցների կիրառելիությունը: ՀՀ ՊԵԿ Հարավային մաքսատուն-վարչության մաքսային

գործառնությունների բաժնի թիվ 24 մտից համարի տեղեկանքի համաձայն՝ վերոնշյալ ապրանքների արտահանման դեպքում մաքսային վճարներ չեն առաջանում և նույն տեղեկանքի համաձայն այս ապրանքների նկատմամբ ոչ սակագնային կարգավորման միջոցներ կիրառելի չեն:

«Մաքսային կարգավորման մասին» ՀՀ օրենքի 316-րդ հոդվածի 1-ին մասի համաձայն՝ «Ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը, որի հետևանքով չի առաջանում մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) չհաշվարկում (պակաս հաշվարկում) կամ չվճարում (պակաս վճարում), ինչպես նաև արգելքների և սահմանափակումների, ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է նախազգուշացում»:

«Մաքսային կարգավորման մասին» ՀՀ օրենքի 332-րդ հոդվածի համաձայն համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ «Վարչական իրավախախտումների վերաբերյալ» Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ:

Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

Վարչական վարույթի շրջանակներում հարցում է կատարվել է ՀՀ ՊԵԿ իրավաբանական վարչություն և բոլոր մաքսատուն-վարչություններ:

Հարցման արդյունքում պարզվել է, որ քննելով քաղաքացի Ալահվերդի Զաբրաեիլի Ալիզադեի Դայլարը «Մաքսային կարգավորման մասին» ՀՀ օրենքի 316-րդ հոդվածի 1-րդ մասով նախատեսված նախազգուշացում վարչական պատասխանատվության տեսակի չի ենթարկվել:


Հաշվի առնելով, որ «Մաքսային կարգավորման մասին» ՀՀ օրենքի 316-րդ հոդվածի 1-ին մասով նշված պայմանները պահպանված են, և ղեկավարվելով «Վարչական իրավախախտումների վերաբերյալ» ՀՀ օրենսգրքի 23-րդ հոդվածի 1-ին կետով և 25-րդ հոդվածով՝

ՈՐՈՇԵՑԻ

1. Իրանի Իսլամական Հանրապետության քաղաքացի Ալահվերդի Զաբրաեիլի Ալիզադեի Դայլարիի նկատմամբ կիրառել նախազգուշացում:

2. Որոշման մասին հայտնել Իրանի Իսլամական Հանրապետության քաղաքացի Ալահվերդի Զաբրաեիլի Ալիզադեի Դայլարին:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ
ՄԾ ԳՆԴԱՊԵՏ



ԱՐՏԱՇԵՍ ՂԱՄԲԱՐՅԱՆ